

¡BOMBA!


Tal vez en penal no encuadre
o es debate al infinito,
¿pero cuál será el delito
de matar a un hijo y madre?



K'uintsil

Edición de fin de semana, del viernes 25 al domingo 27 de abril de 2025
CAMPECHE · YUCATÁN · QUINTANA ROO · AÑO 10 · NÚMERO 2465 · www.lajornadamaya.mx

TSAAW, JUNTÚUL KAY CHAK U NAK'



Juntúul kay kaja'an Laguna de Términos, k'ajóolta'an yóok'olal u chakil u nak', ts'ooke' u bak'e' sak, yéetel jach ki' u jaanta'al. U k'aaba'e' tsaaw, mojarra panza colorada.

U científico k'aaba'e' *vieja bifasciata*. Ku p'isik ichil 28 tak 30 centímetros, yéetel óol túuts' u wíinkilal, je'ex jump'éeel je'. Ku béeytal u kuxtal tak 15 ja'abo'ob.

Juntúul kay suuk u yantal yéetel u núup, tu'ux ma' jach taam ja'i', ba'ale' naats' ti' u taamil le k'áak'náabo', tu ya'alaj Jacqueline May

Díaz, máax beetik u k'a'aytajilo'ob u múuch'kabil Desarrollo y Medio Ambiente, A.C.

Tsaawe', ku jaantik xiiwo'ob ba'ale' beyxan ba'alche'ob, ba'ale' maas ki' u jaantik xiiwo'ob. Xbióloga Estela Díaz Montes de Oca tu tsolaje' maas ya'ab u jaantik xiiw wa ku ch'iijilo'ob ti' ríos wa estanques.

Ichil ba'ax ku jaantike' ti' yaan mejen algas yéetel xnook'olo'ob, je'el bix xan xiiwo'ob yéetel u helechosil ja'.

Juntúul ba'alche' ku jach kaláantik tu'ux ku yantal, le beetik ma'atech u cha'ak u yantal uláak'o'obi'. "Yaan ba'alche'ob yéetel le ku ba'atel ti'al ma' u yantal'ob tu'ux yaan leti'".

Kaye' ku ye'el, le beetik ti' je' ku too'ol.

Ichil ba'ax a'alab tumen Secretaría de Agricultura y Desarrollo Rural, tsaawe' jejeláas bix u jaanta'al; yéetel p'aak, pimienta, cebolla, iik yéetel especias je'el bix pimienta. Uts ti'al wiinik tumen ku mu'uk'ankúunsik baako'ob, ichil uláak' ba'alo'ob.